

**UN YAMADA PA SCUCHA
Y TUMA ACCION PA
NATURALES**




WWW.SOLODIPUEBLO.COM



SOLODIPUEBLO@GMAIL.COM

CHANTAGE CU POTRET! HOMBER A HACK Y BLACKMAIL 3 DAMA PA AÑAS, SENTENCIA TA CAY DIABIerna



**Diabierna Hues ta dicta sentencia den caso di homber cu a chantagea 3
dama y hasta a viola un dama**



PARLAMENTARIO XIOMARA MADURO TA CUESTIONA E DOBEL STANDARD DI MINISTER GEOFFREY WEVER

**Minister Dowers:
INTERVENCION NECESARIO
PA TRECE ORDEN Y
SIGURIDAD DEN TRAFICO**



HUMA DEN CAS A CAUSA CONNMOCION NA HOOIBERG



Hooiberg - Diamars anochi rond di 8'or y mey polis y brandweer a bay un adres den e parti di Hooiberg Kavel, unda cu un cas lo ta na candela y tin mucha paden.

Na yegada di unidadnan, tanto brandweer y

polis mesora bomberonan a drenta accion pa mira kiko tur ta pasando.

A resulta cu berdad tawata tin huma den e cas, pero no tawata tin candela mes. Na e sitio nan a ser informa cu lo ta algun papel a kima y esnan

cu a mira huma mesora a bati alarma. Pero ya e habitantenan mes lo a paga esaki.

Ambulance tambe a wordo pidi y a presenta, unda cu Paramediconan a haci un control ariba e muchanan cu lo a inhala poco huma.



DIA DI MAMA TERA 2026: "NOS PLANETA, NOS PODER" – UN YAMADA PA ACCION NA COMUNIDAD DI ARUBA

ORANJESTAD - Dia 22 di april, rond mundo y tambe na Aruba, nos ta celebra Dia di Mama Tera. E aña aki, e tema oficial ta "Nos Planeta, Nos Poder" (Our Earth, Our Power). E slogan aki ta subraya cu e futuro di nos naturalesa no ta den man di destino, sino den man di cada ciudadano cu ta tuma e decision pa actua awe. Directie Natuur en Milieu (DNM) ta felicita y encurasha e comunidad pa participa den un forma of otro e dia aki.


Pa Aruba, un isla rondona pa un biodiversidad marino unico y un ecosistema delicado, e tema aki tin un nificacion profundo. "Nos Planeta, Nos Poder" ta un recordatorio cu e hermentnan pa combati cambio climatico y proteha nos recursonan natural ta den nos mesun capacidad di innovacion, educacion y union. Iniciativanan y Accion Den cuadro

di e celebracion aki, ta haci un yamada na henter comunidad, di scolnan y fundacionnan te na sector priva y gobierno, pa reflexiona riba e impacto di nos accionnan diario. E enfoko di 2026 ta poni riba:

- **Energia y Eficiencia:** Con nos por uza nos "poder" pa schuif pa fuentenan di energia mas limpi y reduci nos rastronan di uzo di carbon.
- **Proteccion di Biodiversidad:** E importancia di conserva nos flora y fauna local, manera nos mondinan y costanan, cu ta e prome pa defende contra e efectonan di cambio di clima.
- **Participacion Comunitario:** Programanan di limpieza, plantamento di mata local y educacion ambiental pa generacionnan cu ta sigui. Un Compromiso Colectivo E meta di

2026 notasolamentepaconsientisa, sino pa mobilisa y actua. Ora nos bisa "Nos Planeta, Nos Poder", nos ta declara cu comunidad di Aruba tin e forza pa ta ehempel den region pa loke ta trata sostenibilidad y conservacion ambiental. Cada accion chikito ta yuda: di e decision pa uza menos plastic di un solo uzo, te na e participacion den proyectonan di midi mata y otro forma di monitor nos naturalesa.

Nos ta invita henter e pueblo di Aruba pa bisti color berde of blauw e dia aki como simbolo di apoyo na nos isla, y pa participa den e diferente actividadnan. Pa mas informacion tocante con por contribui of pa haya sa mas di e proyectonan ambiental local, por bishita e websitenan oficial di organisacionnan ambiental na Aruba manera Ban Lanta y Planta, Turtugaruba, Aruba Birdlife



Conservation y tambe Aruba Conservation Foundation cu tin programanan pa boluntario.

"Ban cuida locual ta di nos. Pasobra nos planeta ta nos bida, y nos accion ta nos poder."

CHANTAGE CU POTRET! HOMBER A HACK Y BLACKMAIL 3 DAMA PA AÑAS, SENTENCIA TA CAY DIABIERNA

Diabierna Hues ta dicta sentencia den caso di homber cu a chantagea 3 dama y hasta a viola un dama

ORANJESTAD – Diabierna 24 April 2026 mainta, Hues di Corte di Husticia ta dicta sentencia den e caso penal cu Ministerio Publico a cuminsa contra e homber D.E.(29).

SOLO DI PUEBLO por a compronde cu luna pasa tratamento di e caso a tuma lugar, caminda Fiscal a haya D.E. culpabel y a exige 5 año di prison.

ACUSACIONNAN

E acusacionnan cu Fiscal a presenta contra D.E. ta:


** Na Juni 2014, D.E. a viola e dama S., kende e tempo ey tabatin 17 año. Ademá S. tabata victima di “hack” y chantage di D.E.

** Entre Januari 2015 y 11 Januari 2023, D.E. a hack y chantagea e damanan B. y T.

NO COMPLETO RESPONSABEL
Psycologo y Psychiater a wordo scucha e dia ey den Corte, caminda nan ta haya cu D.E. tin problema mental y cu e mester haya tratamento na Respaldo. Nan ta haya cu D.E. ta menos responsabel pa su actonan.

DEMANDA DI DAÑO

Ta asina cu e dama S. na Hulanda, a demanda 28.674 florin na daño material pa tur e tratamento cu e mester a sigui na Hulanda. Tambe el a demanda 84 mil florin di daño material door cu el a keda afecto y awor mester haci 1 año extra di su



estudio na Hulanda.

E dama T. a demanda 57.790 florin na daño material cu ta encera entre otro tur e tratamento cu e ta hayando.

FISCAL A EXIGI 5 AÑA DI PRISON

Fiscal a bisa Hues cu e victimanan a sufri pa hopi tempo door di D.E. y nan a keda afecta. El a sigui bisa cu e acusado tambe mester haya tratamento pa su problema mental. Fiscal a cuestiona e forma con D.E. tabata hack y forza e victimanan pa manda protet sino e lo publica potretnan di nan riba media.

Fiscal a remarca cu apesar cu e victimanan tabata roga D.E. pa stop, e no tabata haci caso. Fiscal a tuma D.E. na malo pa su actitud. Fiscal a bisa cu pa cu e castigo, e ta tene cuenta cu psycologo y psychiater cu ta bisa cu D.E. ta menos responsabel pa su actonan

door di su problema mental. Fiscal ta haya cu mirando e seriedad di e caso, no tin espacio pa castigo combina pa asina D.E. haya tratamento. Fiscal a bisa cu ora D.E. sali liber di KIA, e por sigui tratamento. Fiscal a exige 5 año di prison pa D.E. Subsidiario Fiscal a bisa cu si Hues ta haya cu castigo combina lo ta na su lugar, por pone e tempo di prueba te 10 año. Fiscal a aproba e demanda di daño di e dama S.

CASTIGO TA MUCHO HALTO

Abogado di D.E., m.r. Illes a bisa Hues cu e ta haya e exigencia di Fiscal mucho haltu. E abogado a bisa cu Fiscal no a tene cuenta cu e situacion mental di D.E., manera psycologo y psychiater ta muestra.

E abogado a bisa cu D.E. a bisa Hues cu e tabatin relacion sexual cu e dama S. y cu esaki tabata cu aprobacion di S. E abogado ta haya cu no tin prueba di violacion

y mester declara D.E. liber y cu e demanda di daño di e dama S., mester wordo poni un banda. E abogado ta haya cu e demanda di S. ta asina compleho pa wordo trata den un caso penal. E ta haya un caso civil na su lugar.

E abogado a bisa cu D.E. ta admiti di a haci malo y mester haya castigo. Na opinion di e abogado, Hues mester tene cuenta cu raport di psycologo y pshychiater kendenan ta muestra cu D.E. e ta menos responsabel pa loke el a haci. Mr. Illes a bisa Hues cu den KIA, D.E. ta bou vigilancia special pa no mata curpa. Na opinion di mr. Illes, castigo di prison ta haci cu D.E. no por haci nada, pero tratamento ta trece cambio den su comportacion.

Hues a bisa cu e mester mas tempo pa studia e caso. El a bisa cu Diabierna awor 24 April 2026, e lo sera tratamento di e caso y di biaha lo tin sentencia.

Minister Dowers: INTERVENCION NECESARIO PA TRECE ORDEN Y SIGURIDAD DEN TRAFICO



Diamars mainta, Minister di Husticia, mr. drs. Arthur Dowers, a anuncia un maneho mas stricto riba e uzo di vehiculonan electrico riba camindanan publico. Pa basta tempo caba, e uzo di step electrico, scooter electrico y bicicleta electrico ta bayendo for di control, creando situacionnan cu no por sigui ignora. Especialmente den e area di hotel, e situacion ta evidente: decenas di step electrico, bicicleta electrico y hasta scooternan grandi electrico ta para riba acera, caminda y hasta unda peaton tin cu cana. E realidad aki ta pone presion riba infraestructura existente y ta crea riesgo directo pa siguridad di tur usuario di e espacionan publico.

Segun e Landsverordening Wegverkeer, e vehiculonan aki ta considera como vehiculo di motor, cu ta nifica cu nan mester cumpli cu reglanan specifico pa por ta riba caminda publico.

Sinembargo, ningun di e vehiculonan menciona ta cumpli cu e exigencianan legal estableci.

E Comision Siguridad di Trafico a pasa varios luna trahando activamente riba un solucion structural pa e problema aki. Despues cu pa falta di corahe di ministernan di husticia di e gobiernonan anterior, awe, despues di evaluacion profundo y coordinacion cu instancianan relevante, Minister Dowers a bisa ta basta: mester restablece orden y siguridad den trafico.

Exigencianan legal y siguridad

E obhetivo principal di e maneho aki ta pa garantiza siguridad riba caminda pa esnan cu ta uza e vehiculonan aki, y alabes pa otro usarionan manera automobilistanan, ciclistanan, peaton y tur esnan cu ta depende di acera y camindanan publico pa move cu tranquilidad.

Pa participa den trafico di forma sigur,



vehiculonan mester cumpli cu e exigencianan di ley segun e Landsbesluit Voorschriften Voertuigen. Esaki ta inclui brake cu ta funciona bon, luznan adecua, identificacion tecnico y estructura sigur. Ademá, tin obligacionnan manera rijbewijs valido, registracion di vehiculo, inspeccion y minimo un seguro WA.

E realidad actual ta muestra un falta total di cumplimiento. Doñonan di e vehiculonan aki no tin seguro, no tin aprobacion tecnico di DTI, ni ta paga motorrijtuigbelasting. Disponibilidad y acceso facil ta permiti cualkier persona conduci sin control riba capacidad ni conocimiento di nos leynan di trafico.

“No por sigui ignora e situacion aki y doñonan di e vehiculonan aki mester tuma responsabilidad of autoridad lo tuma accion,” Minister Dowers a declara.

Ademá di e riesgo di siguridad, e bista



den sector turistico ta deteriora. Usuarionan cu ta frecuenta e area turistico ta mira e vehiculonan aki como molester den trafico, afectando tanto e experiencia como reputacion di Aruba como destino sigur y ordena.

E consecuencianan di falta di regulacion ya ta visibel. Practicamente tur dia tin accidente unda e tipo di vehiculonan aki ta envolvi, incluyendo incidentenan serio y hasta fatal den pasado. Den caso di accidente cu otro vehiculo cu si ta cumpli cu ley, cobertura di seguro ta bira un problema serio, aumentando impacto

financiero y legal pa e partidonan envolvi.

Gobierno, bao di liderazgo di Minister Dowers, ta tuma un posicion firme y decisivo. E maneho nobo ta enfoca riba control, cumplimiento cu ley y clarificacion di reglanan pa garantiza cu espacionan publico ta keda sigur pa tur hende.

Por ultimo Minister Dowers a manda un mensahe cla na tur doño di e vehiculonan aki, "kita nan for di caminda publico of autoridad lo kita esakinan" y esaki lo ta acompaña cu multa pa cada vehiculo cu autoridad kita.

APRIL 25
5 PM – 9 PM

HARBOUR
ARENA
CMB

A KING'S DEAL

CarShow + Sales

Tur deal aproba y firma lo haya

1% Cash Back
di e prestamo.

CHENS PA GANA

10%

DI E PRESTAMO

TE CU UN MAXIMO DI AFL. 10,000.00



ONE STOP SHOP EVENT

- 👑 8 car dealership presente
- 👑 CMB N.V. cu pago mensual atractivo
- 👑 CMB Insurance cu diferente deal
riba seguro pa auto




Presta responsabel.

E oferta aki (A King's Deal) ta valido cuminsando 28 di maart, 2026 te cu 25 di april, 2026. Clientenan cu aplica pa un prestamo personal pa financia un auto nobo ta bin na remarca pa un interes efectivo cu ta varia entre 5.77% te cu 7.53% p.a. pa sumanan entre minimo Afl. 30,000.00 te cu maximo Afl. 150,000.00 cu un termino pa paga bek entre minimo 5 te cu maximo 7 aña. Un cobranza pa seguro di bida di Afl. 10.00 pa cada luna te cu un maximo di Afl 600.00 y un gasto di administracion di Afl. 15.00 pa cada luna lo wordo aña automaticamente na bo prestamo.

Caribbean Mercantile Bank N.V. ta reserva e derecho di por cobra un boet riba prestamonan cu wordo cancela prome cu e termino di pago acorda. Den e caso di un periodo di preaviso di seis luna o menos: un boet pa e suma igual na 3 (tres) luna di interes, cu un minimo di Afl. 500.00 lo ta aplicabel. Tumando un periodo di preaviso di mas di seis luna: un boet di Afl. 500.00 lo ta aplicabel. E premio di 10% cash back di e suma di e prestamo pa auto lo ta te na un maximo di Afl. 10,000.00. Caribbean Mercantile Bank N.V. ta reserva e derecho di por cancela e promocion aki na cualkier instante. E relacion entre Caribbean Mercantile Bank N.V. y su clientenan ta wordo determina pa e Condicionnan General di Caribbean Mercantile Bank N.V.

UN YAMADA PA SCUCHA Y TUMA ACCION PA NATURALES



ORANJESTAD, ARUBA – 22 APRIL 2026 – Riba Dia di Mama Tera, Aruba Conservation Foundation (ACF) ta invita Aruba completo pa tuma un momento pa refleha riba un mensahe simpel pero urgente: si naturalesa por a papia, kico e lo ta bisando, y e ta wordo scucha di berdad?

Cu e lansamento di e campaña di

conscientisacion Naturalesa ta Papia, ACF ta presenta un mensahe cu ta trece e comunidad mas cerca di e mundo natural di Aruba, pa e wordo admira, wordo compronde, y pa wordo proteha. E mensahe tin como meta pa incentiva e audiencia pa tuma un momento pa refleha riba kico naturalesa ta bisando y pensa riba ki accion mester tuma pa protege.



E mensahe ta presenta su mes den tres acto. E ta cuminsa cu hiba e audiencia pa wak Aruba su paisahe y especienan di cerca, revelando e bunitesa y detayenan chikito cu hopi biaha ta keda sin wordo mira y asina conecta cu naturalesa. Siguientemente, e escena ta transiciona pa mostra e realidad di menasanan creciente riba e isla su medio ambiente y impactonan humano riba su ecosistema fragil. Den e ultimo acto, ta recorda cu tin speransa, asina resaltando e esfuersonan colectivo di un comunidad cu tin di tuma accion hunto pa proteha, preserva, y restaura Aruba su naturalesa.

Filma na Aruba durante un periodo di 2 luna, e produccion akinan a wordo traha cu un compromiso profundo y respetando naturalesa. Tur imagen a wordo captura di un distancia respetoso y bou di guia di expertonan pa sigura cu no tin disturbio na ningun especie of

habitat.

“E mensahe di conscientisacion aki ta funciona como un vehiculo pa nos para keto, y refleha kico naturalesa ta purbando di bisa nos”, ta comenta Tyson Lopez, Director General, Aruba Conservation Foundation. “Naturalesa semper ta comunica cu nos a traves di su bunitesa, su cambionan, su resiliencia, y hasta ora e ta bou pression. Pero awo, ta e momento pa nos haci mas cu solamente djis scucha. Nos mester compromete na tuma accion colectivo pa asina garantisa cu e futuro generacion por disfruta di un miho medio ambiente.”

Aruba su areanan natural mas y mas ta bou pression profundo. Di areanan terrestre, costanan y awanan, e manera cu nos ta comporta nos mes den naturalesa ta afecta su futuro y nos futuro directamente. Naturalesa ta Papia y ta haci un yamada pa un cambio di comportacion, pa sosten y aprecio pasivo pa tuma

responsabilidad activo.

Scucha naturalesa papia no ta solamente un sentimiento y un conexion. E mester wordo refleha den nos escogencianan diario door di move cu cautela, respeta barera, proteha habitatnan y scoge concientemente pa reduci impacto riba e lugar cu ta nos hogar.

ACF ta enfatisa cu conservacion no por wordo logra door di un grupo di persona so. Conservacion di Aruba su herencia natural ta rekeri accion colectivo di yiunan di tera, residentenan, bishitante, socionan, gobernantenan y henter nos comunidad.

Riba Dia di Mama Tera, Naturalesa ta Papia ta e yamada pa scucha cu intencion y berdaderamente compromete na naturalesa su proteccion.

Naturalesa ta papiando caba, locual cu ta bin despues ta con Aruba, como comunidad ta dicidi di responde.

Bishita www.acf.aw/naturalesa-ta-papia pa scucha.

PARLAMENTARIO XIOMARA MADURO TA CUESTIONA E DOBEL STANDARD DI MINISTER GEOFFREY WEVER



Parlamentario Xiomara Maduro ta critica Minister Geoffrey Wever pa su “dobel standard politico” den e caso Avestruz.

Segun Maduro, Wever tabata hopi firme den 2021 ora el a papia riba e caso di Benny Sevinger. Na e momento ey, el a manda un carta habri pa Mike Eman bisando cu Benny no por huramenta como Parlamentario, ya cu esaki lo ta “un mancha scur den historia politico di Aruba” y un mal ehempel pa nos hobennan. Pero awe, cu castigo a cay pa Benny den e caso di Avestruz, Minister Wever ta scoge pa keda keto y no duna su opinion riba e caso. Pa e motibo aki, Parlamentario Maduro ta puntra:

- Unda e mesun liderazgo di Wever a keda?
- Ta pasobra e ta bou di e hala di Mike Eman awe, e ta den

silencio?

- Of ta paso e tin miedo di perde sosten den Parlamento?

“Compasion” no ta rason pa keda keto

Durante un reunion na Parlamento, Wever a bisa cu e no kier duna su opinion, pasobra e tin compasion pa e famia. Pero Parlamentario Maduro ta bisa cu compasion no por ta un rason pa un minister keda keto y no duna su opinion riba un caso cu a causa asina hopi daño na comunidad. E Parlamentario ta remarca cu e caso Avestruz a perhudica hopi hoben cu a warda aña largo pa un terreno. “Net Minister Wever, cu a campaña bou di e young professionals, awe no tin opinion? Pueblo tin derecho di sa kico e Minister ta pensa awor cu hues a duna e sentencia final.” Maduro ta

Carta habri na lider di AVP, sr. Mike Eman,

Apreciabel senior Eman,

Como futuro miembro di Parlamento di Aruba mi ta dirigi mi mes na Bo persona cu e siguiente peticion.

Dia 7 di juli 2021 Aruba lo conoce un constelacion parlamentario nobo. Pa mi como parlamentario nobo ta un gran honor pa por carga e responsabilidad aki. E carta aki no tin como intencion pa crea mas division entre e partidonan, ni entre nos ciudadano nan. Esaki ta un peticion na Bo persona, como lider di oposicion, como di dos vote-getter di pais Aruba y como un persona cu pa 8 ana largo tawata Minister-Presidente di nos pais.

Mi ta hanando hopi reaccion di personanan den nos comunidad cu ta sumamente desapunta cu senior Benny Sevinger lo juramenta e siman aki como parlamentario. Mi ta comparti e sentimiento aki.

E realidad juridico ta cu senior Sevinger ta inocente te ora un hues imparcial dicta cu senior Sevinger ta culpabel di a comete accionnan criminal, locual na e momento aki no ta e caso. E principio fundamental aki ta conta pa cualkier hende den nos comunidad, pero den mi pensamiento personal no pa un politico den funcion. E politico tin cu duna chempel y tin e responsabilidad di educa y representa e votadonan. Como politico nos mester particularmente inspira y guia nos hubentud y demostra kiko ta lo correcto.

Si senior Sevinger juramenta como miembro di Parlamento di Aruba esaki lo ta un mancha scur den historia politico di Aruba cu nunca mas nos por elimina y lo ta un mal senal pa nos hubentud. Pa e motibo nan menciona ariba mi ta pidi na Bo persona pa haci lo correcto y pidi senior Sevinger pa no acepta su nombracion como miembro di Parlamento di Aruba na e momento aki y warda e proceso legal termina, pa asina nos restaura e confianza di e votadonan den politica.

Lo ta lamentabel si e constelacion nobo di Parlamento di Aruba mester bini cu legislacion a base di cual ta suspende un parlamentario ora e ta den detencion preventivo, manera prescribi den articulo 50, inciso 2, di Constitucion di Sint Maarten of cualkier otro ley, en bes di cu senior Sevinger tuma e decision aki su mes.

Personalmente mi ta kere si cu mester cambia e sistema legal di tal forma cu un politico no por wordo persegui por chempel 1 ana prome cu eleccion y si e wordo persegui, su caso mester wordo trata na un forma rapido pa evita cu un politico ta keda den un incertidumbre; como parlamentario mi lo duna mi sosten na un cambio di ley asina.

A base di lo anterior, mi ta spera senior Eman por considera pa papia cu senior Sevinger y pidi senior Sevinger pa no acepta su nombracion como parlamentario den e constelacion parlamentario nobo y warda e proceso legal termina prome cu senior Sevinger tuma su asiento den Parlamento di Aruba. Un decision asina lo ta den beneficio di henter pueblo di Aruba.

Saludos cordial,

Geoffrey Wever

expresa.

Asumi responsabilidad

Pa e Parlamentario di MEP, ta e deber di Minister Wever y su coleganan den gobierno pa duna claridad, asumi nan

responsabilidad y muestra con lo evita cu situacionnan asina por bolbe ripiti. Maduro ta conclui: “Bo no por ta fuerte contra Benny den 2021 y keto den 2026 awo cu castigo a cay den caso Avestruz.”

Clasificados










SOLODIPUEBLO@GMAIL.COM

CEL. 585 9500



EDUARD PIETERS TA PARA FIRME NA DEN HAAG: “AUTONOMIA NO TA NEGOCIABEL Y COOPERACION NO MESTER TA UN EXCUSA PA KITA NOS AUTONOMIA”

Durante su mision oficial na Den Haag, parlamentario Eduard Pieters a probecha e oportunidad pa manda un mensahe cla, firme y sin ambigüedad: Aruba ta kere firme den cooperacion dentro di Reino Hulandes, pero no lo acepta un situacion unda, paso pa paso, ta limita su autonomia bou di number di “supervision”, mientras e esencia di nos democracia ta esun afecta. HOFA no ta un ley tecnico pero ta un cambio di poder Den su encuentro cu representante clave di e institucionnan di Reino Hulandes, Pieters a presenta e posicion di fraccion di PPA tocante e Rijkswet HOFA. Un ley cu, segun e, no solamente tin e implicacionnan tecnico-financiero, pero cu por resulta den un cambio structural den e balansa di poder entre Aruba y Hulanda, cu lo tin e consecuencianan di largo plazo pa autonomia y autodeterminacion di nos pais. Pieters a enfatisa cu e discusion aki no por reduci na un cuestion tecnico of administrativo, paso esaki ta toca e derecho fundamental di Aruba pa maneha su propio finansa y tuma decision pa su propio pueblo, sin interferencia desproporcional di afor.

Nos no mester di Rijkswet: nos tin nos propio solucion

E posicion di PPA ta definitivo: Aruba no ta contra supervision, pero si contra imposicion sin consenso real y sin respet pa e proceso democratico cu e mesun ministernan actual a para y lucha p’e. Como alternativa concreto, Pieters ta bolbe propone un begrotingskamer ancraden e propio Staatsregeling di Aruba, un mecanismo serio y structural, cu ta duna garantia di control financiero, pero den un cuadro, unda responsabilidad ta keda den man di Aruba mes, en bes di transferi pa nivel di Reino, sin suficiente legitimacion local.

Si Aruba ta cumpli, pakico castiga nos cu mas control?

E argumento aki ta reforza door e realidad financiero actual di Aruba, unda, a pesar di e presionnan economico global, nos pais a logra baha su schuldquote (debe mara na e producto domestico bruto) significativamente y ta sigui traha cu disciplina riba su finansa publico. “Nos ta muestra cu nos por maneha nos finansa cu responsabilidad,” Pieters a subraya, “pero toch nos ta enfrenta un propuesta cu por limita nos libertad di accion. Esey mester pone nos na reflexiona hopi serio.”

E pregunta central ta inevitabel: si Aruba



ta cumpli y ta muestra progreso, pakico tin necesidad pa mas control externo?

Sin Aruba su bos, otro lo dicidi pa nos

Durante e combersacion, a keda evidente cu e proceso di e ley ainda no ta finalisa, mirando cu Consejo di Estado ainda mester duna su consejo y finalmente Tweede Kamer lo tuma e decision definitivo. Pero precisamente p’esey mes, Pieters a enfatisa importancia di presencia activo di Aruba na Den Haag, paso sin participacion fuerte y consistente, e narrativa lo ta defini pa otro.

Awor ta e momento pa para firme of perde loke nos a gana

Pa fraccion di PPA, esaki no ta un dossier mas, pero un punto crucial, cu lo determina con autonomia di Aruba lo ta protehi den futuro. “Nos no a lucha pa Status

Aparte pa despues entrega esaki pocopoco, paso pa paso,” Pieters a conclui cu firmeza. “Autonomia no ta negociabel y nos tin un responsabilidad pa defende esaki cu conviccion.”

Clasificados

SOLODIPUEBLO@GMAIL.COM
CEL. 585 9500

TRAMIL TA LANSÁ GUIA NOBO NA PAPIAMENTU DI MATA MEDISINAL DI KARIBE



E organisashon Karibense TRAMIL a lansá resientemente e guia na papiamentu E guia práktiko di TRAMIL di mata medisinal di Karibe pa kuido primario di salú. Ku e publikashon aki, TRAMIL ta hasi konosementu sientífiko tokante mata medisinal mas aksesibel pa komunidat lokal. TRAMIL (Traditional Medicine for the Islands) ta un ret Karibense aktivo for di 1982, ku ta enfoká riba promoshon i dokumentashon di medisina tradishonal den region. E guia ta presentá 38 espesie di mata medisinal, organisá den ocho kategorianan di malesanan komun.

Mayoria di e matanan deskribí ta konosí riba e isla i ta haña nan tantu den naturalesa komo alrededor di kas. E publikashon aki ta un sinòpsis parsial di e di tres edishon di Farmacopea Vegetal Caribeña, ku ta kontené informashon mas amplio i detayá. Pa kada spesie di mata, e guia ta indiká e nòmber na papiamentu, e parti di e mata ku ta usa i e aplikashon pa malesanan spesífiko. Tambe ta inkluí instrukshonnan kla di preparashon, ilustrá ku dibuhonan skemátiko, i informashon tokante kontra-indikashonnan pa garantisá uso sigur. TRAMIL ta validá uso



di mata medisinal komo parti di su esfuerso pa reforsá kuido primario di salú den Karibe. Pa esaki, dato ta wordu kolektá via enkuesta den diferente paisnan Karibense. Espesienan di mata ku ta usá pa minimalmente 10% di e partisipantenan ta pasa pa un proseso di validashon sientífiko. E proseso aki ta wordu ehekutá na universidatnan i laboratorionan den region i riba kontinente suramerikano, segun


protokòl sientífiko establesí. E guia tambe a ser publiká den seis otro idioma den region, inkluyendo idiomanan prinsipal, kreòl i indígena. E tradukshonnan a ser realisá ku sosten finansiero di fondo di Union Europeo, via Parc Naturel Régional de la Martinique. E redakshon lokal di e edishon na papiamentu tabata den man di John de Freitas (biólogo) i Noris

Doran (eksperto di idioma papiamentu). Un danki speshal ta bai na Cultuurfonds Caribisch Gebied i Landsloterij pa nan kontribushon na finansiá gastunan di imprenta. E buki a ser publiká na un kantidat limitá i lo ta optenibel na librerianan. Tambe e lo ta na benta den oranan di mainta riba diasabra 28 di mart i 4 di aprel na tienda di salú Harmonia (Prof Kernkampweg).

**TUMA ACCION PA PREVENI,
PROTEHA Y STOP DENGUE
CON NOS POR STOP
DENGUE?**



SPANTENBIER NA CAS BLANCO TA MARCA PROGRESO DI PROYECTO Y PONE ENFASIS RIBA NATURALES Y SOSTENIBILIDAD



Ayera tardi a tuma luga spantenbier na Cas Blanco, den Parque Nacional Arikok, unda invitadonan, colaboradonan y representante di diferente sector a reuni pa celebra e progreso di e proyecto. Durante e actividad, tambe a presenta e video “Naturalesa ta Papia”, un iniciativa cu ta pone enfasis riba conciencia ambiental y e importancia di conecta cu naturalesa di Aruba.

Prome Minister Mike Eman a haci acto di presencia na e evento, subrayando importancia di proyecto cu ta contribui na conservacion di naturalesa y desaroyo sostenibel di e isla.

E encuentro a tuma lugar na werplek di Cas Blanco, unda actualmente ta desaroyando infraestructura cu respet pa e entorno natural. E momento di spantenbier a simbolisa

un paso importante den e construccion y desaroyo di e instalacion.

Organisacion di e evento, coordina pa Aruba Conservation Foundation, cu ta traha activamente na proteccion di patrimonio natural di Aruba.

E actividad a reuni participante den un ambiente informal pero significativo, enfoca riba colaboracion, sostenibilidad y e balor di cuida nos naturalesa pa futuro generacionnan.

CUMPLIENDO CU LEY, AFTA A ENTREGA CUENTA ANNUAL 2025 NA MINISTER GEOFFREY WEVER

Oranjestad, 20 april 2026 - Diabierna ultimo, Minister di Finansa, Asunto Economico y Sector Primario, mr. Geoffrey Wever, a ricibi directiva di Aruba Fair Trade Authority (AFTA) pa entrega oficialmente nan jaarverslag 2025. E entrega aki ta confirma e compromiso continuo cu transparencia, bon gobernacion y consolidacion di un mercado moderno y husto pa Aruba.

Desde su fundacion riba 1 di januari 2024, AFTA a bira un pilar importante den e proceso pa crea un ambiente economico unda empresanan por competi di forma husto y consumidornan por beneficia di mihor servicio, innovacion y prijsnan mas competitivo. Como autoridad independiente, AFTA ta opera cu su propio competencia legal y instrumentonan pa supervisa mercado y actua ora practicanan inhusto surgi.


Den e jaarverslag 2025, AFTA a presenta e progreso logra durante su di dos aña operacional, incluyendo fortalecimiento institucional, proceso di investigacion, orientacion na empresanan y preparacion pa e siguiente fase di proteccion di consumidor. Esaki ta muestra cu Aruba no

solamente a crea e cuadro legal necesario, pero cu tambe ta duna contenido real na reformanan cu ta modernisa nos economia.

Proteccion di consumidor ta sigui ta un prioridad strategico pa Minister Wever. P'esey, Gobierno a sigui traha den cooperacion cu AFTA riba instrumentonan legal y regulatorio pa fortalece e posicion di consumidor den mercado. E meta ta pa garantisa cu e ciudadano tin mas seguridad, mas informacion y mas proteccion contra practicanan comercial inhusto.

“Mi ta sumamente contento cu AFTA a sigui crece y madura como institucion. Den poco tempo nan a demonstra cu Aruba por tin un autoridad serio, profesional y efectivo cu ta boga pa competencia husto y proteccion di nos ciudadano. Un economia fuerte mester tin reglanan cla y husto pa tur hende,” segun Minister Geoffrey Wever.

Minister Wever a enfatisa cu un mercado ordena y confiabel ta esencial pa atrae inversion, stimula emprendemento y amplia oportunidadnan pa empresanan local. “Ora inversionista mira cu Aruba tin institucionnan independiente, transparencia y seguridad



huridico, nan tin mas confiansa pa inverti na Aruba. Esaki ta traduci den empleo, crecimiento economico y mas bienestar pa nos comunidad.” minister Wever a comenta.

Cu entrega di e jaarverslag 2025, AFTA ta confirma cu Aruba ta avansando cu accionnan concreto den construccion di un economia mas competitivo, moderno y

resiliente, completamente den linea cu e Programa di Gobernacion AVP-FUTURO 2025-2028.

Pa mas informacion tocante AFTA y su trabounan, por bishita nan website oficial: www.afta.aw



FIRMA DI MEMORANDUM OF UNDERSTANDING TA FORTALECE COOPERACION PA CONSERVACION Y DESAROYO SOSTENIBEL RIBA DIA DI MAMA TERA



Awe mainta, na ocasion di celebracion di Dia di Mama Tera, a tuma luga ceremonia oficial di firma di un Memorandum of Understanding (MOU), unda Prome Minister Mike Eman hunto cu Minister di Infraestructura Rene Herd  a forma parti di e acto, conhuntamente cu Tyson Lopez y Natasha Silva di Aruba Conservation Foundation.

E seleccion di e fecha aki no tabata casual, sino un refleho directo di e enfoke di e acuerdo: fortalece compromiso cu proteccion di naturalesa y desaroyo sostenibel di Aruba.

E acuerdo ta marca un paso importante den fortalecimiento di cooperacion entre diferente entidad, cu

enfoke riba conservacion di naturalesa, maneho responsabel di recurso natural y desaroyo sostenibel di e isla.

Densu intervencion, Prome Minister Mike Eman a enfatisa importancia di e compromiso diario di esnan cu ta traha pa proteha naturalesa di Aruba. El a destaca cu, den medio di ocupacionnan diario, hopi biaha no ta reconoce e conexion profundo entre e diferente ecosistema di e isla, for di cadushi y vegetacion na tera, te manglar y bida marino.

Segun Prome Minister, e proyecto di Parque Marino ta busca fortalece e conexion aki, creando condicionnan pa proteha

tanto naturalesa na tera como maritimo. Premier Eman a subraya cu e iniciativa aki ta resultado di un vision cu a existi pa hopi tempo y cu awor ta bira realidad pa medio di e firma di e acuerdo.

Prome Minister a conclui su palabra cu un mensahe di aprecio pa tur esnan involvi, resaltando importancia di sigui traha hunto pa cuida y preserva patrimonio natural di Aruba.

E firma di e MOU ta representa un compromiso pa sigui desaroya iniciativa cu ta contribui na bienestar di Aruba, mientras cu ta mantene un balansa entre progreso y preservacion di naturalesa.

“INVERTI DEN NOS PROPIO TALENTONAN: FUTURO DI TURISMO TA CUMINSA DEN KLASLOKAAL” EDUARD PIETERS A EXPRESA DESPUES DI SU BISHITA NA ROC MONDRIAAN



Durante su bishita di trabou na Den Haag, parlamentario Eduard Pieters, a haya un confirmacion cla di un vision cu el a defende pa hopi aña: enseñansa mester conecta directo cu realidad di trabou. Na ROC Mondriaan, un instituto di enseñansa vocacional, Pieters a mira con teoria y practica ta integra den un manera, cu ta prepara

e studiantenan pa mundo real, no solamente pa haya trabou, pero pa sobresali tambe den dje.

Un modelo cu ta traha y cu Aruba por adapta “E diferencia aki ta den e entorno,” Pieters a splica. “E studiantenan ta siña den un ambiente cu ta replica e industria mes; hotel, cushina y servicio. Esey ta crea



seguridad, experiencia y e nivel desea.” Esey no ta solamente enseñansa, sino un preparacion real pa un industria competitivo, manera ta conoci den e sector hotelero. Pa Pieters, esaki ta un ehempel cla con Aruba por fortalece su propio sistema, specialmente den un sector clave y importante manera turismo.

Turismo di calidad mester talento di calidad Aruba ta move den direccion di un modelo di turismo mas selectivo: high value, low impact tourism. Pero e cambio aki no por sosode sin inversion den nos propio hendenan. “Nos no por papia di turismo di calidad, si nos no ta forma e profesionalnan di calidad,” Pieters a enfatisa. Esey ta nifica: miihor formacion, mas oportunidad pa nos hobennan y un caminda bon delinia for di estudio te liderazgo.

Di operacion pa liderato Un di e puntonan mas importante di e bishita tabata e enfoke riba crecimiento profesional. Na Mondriaan, e studiantenan no ta limita na rol basico. Nan tin acceso na un trayecto cu por hiba nan te nivel di management. “Nos mester forma no solamente empleadonan, pero tambe nos lidernan di futuro,” Pieters a bisa. Y pa Aruba, esaki ta crucial, pasobra sostenibilidad di nos economia ta depende di e nivel di nos propio talentonan.

Cooperacion como punto clave pa futuro Pieters a subraya tambe e importancia di colaboracion internacional. E relacion entre Mondriaan y EPI, cu e experiencia existente cu Corsou y otro partnernan, tin oportunidad real pa crea un ecosistema

educativo cu ta conecta Caribe cu Europa. “Nos tin e oportunidad pa traha hunto y crea un coriente di talento fuerte pa nos region,” el a indica.

Un direccion positivo, pero cu mester accion E bishita na ROC Mondriaan a confirma cu Aruba tin e potencial pa crece den direccion corecto.

Pero pa Pieters, e mensahe politico ta cla: inversion den enseñansa mester bira prioridad, conexion cu industria mester fortalece y nos hobennan mester haya mas herment pa logra exito.

“Nos tin talento. Awor ta cuestion di mehora e sistema cu ta duna nan e oportunidad pa sobresali,” Pieters a conclui. Futuro di Aruba no ta solamente den turismo, sino tambe ta den con nos ta prepara e hendenan cu mester traha y maneha e industria ey.

SOPI DI LETRANAN

WEATHER



I	R	A	I	N	B	O	W	O	D
E	S	I	G	U	D	S	A	G	Z
N	N	D	U	O	L	C	C	N	I
A	O	H	O	L	S	M	O	I	T
C	D	A	L	R	R	E	D	N	Z
I	O	I	N	O	R	L	A	T	I
R	O	L	T	N	P	D	N	H	A
R	L	S	S	U	D	D	R	G	R
U	F	D	I	S	A	U	O	I	Z
H	A	W	O	N	S	P	T	L	O

WORD LIST

STORM	FLOOD	CLOUD
LIGHTNING	TORNADO	HURRICANE
SUN	RAIN	SNOW
HAIL	RAINBOW	PUDDLE

SUDOKU

	7					3	8	5
	2					7		
8								
			3		5			
		1			6		4	
					2	8	9	
1	9			5				
6			8					9
5						1	3	2

		8				7		
9	3		4					
			3	8				5
4		3	7			9		
	6				9		8	4
5				3			1	6
	4		1	6				8
					7			

		7			4		9	2
		5		7			1	
					2	5		
		4			6			8
			2			3		7
	3	6	5					
	5							4
7			3				2	
					8			

Oracion di dia

Un feliz dia yena di hopi fe y speransa den nos bon Dios

”...sino conta e generacion venidero: esta gloria di Señor, su poder, ye cosnan milagroso c’El a haci.” (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. ”...pa nan tambe confia denSEÑOR, no lubida Dios su obranan grandi...”(Sal 78, 7)
Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di
Bo Maraviya.
Y inspira nan pa nan sigui conta na e siguiente generacion.
Amen.



Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - April 22, 2026

		
Sorteo # 4954	Sorteo #	Joker Letter
5464	0 x Jackpot	Proximo Jackpot
4605	0 x Match 4+	190.000,-
7496	0 x Match 4	
	0 x Afl. 12,00	
X2		
		
Sorteo # 4954	Sorteo #	Proximo Jackpot
7258	0 x Jackpot	54.000,-
	0 x Match 4	
X2	0 x Afl. 8,00	
		
Sorteo # 3010		
0533		
		
Sorteo # 4954		
6682		
Leo		
		
Sorteo # 1828		
277		
		
X2		

	
Sorteo #	Joker Letter
0 x Jackpot	Proximo Jackpot
0 x Match 4+	190.000,-
0 x Match 4	
0 x Afl. 12,00	

	
Sorteo #	Proximo Jackpot
0 x Jackpot	54.000,-
0 x Match 4	
0 x Afl. 8,00	

	
Sorteo #	Mega Ball
0 x Jackpot	Proximo Jackpot
0 x match 4	1.150.000,-
0 x Afl. 500,00	
0 x Afl. 50,00	
0 x Afl. 15,00	

	Afl. 1.850.000,-
---	------------------

	
Sorteo #	





Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - April 22, 2026

		
Sorteo # 8829	Sorteo #	Joker Letter
5696	0 x Jackpot	Proximo Jackpot
7886	0 x Match 4+	190.000,-
9616	0 x Match 4	
	0 x Afl. 12,00	
FP		
		
Sorteo # 7873	Sorteo #	Proximo Jackpot
7603	0 x Jackpot	54.000,-
	19 x Match 4	
X2	277 x Afl. 8,00	
		
Sorteo # 2578		
4333		
		
Sorteo # 6632		
3952		
Scorpio		
		
Sorteo # 1562		
559		
		

	
Sorteo #	Joker Letter
0 x Jackpot	Proximo Jackpot
0 x Match 4+	190.000,-
0 x Match 4	
0 x Afl. 12,00	

	05-21-24-27-30
Sorteo # 7159	Proximo Jackpot
0 x Jackpot	54.000,-
19 x Match 4	
277 x Afl. 8,00	

	05-06-07-17
Sorteo # 1863	Mega Ball 13
0 x Jackpot	Proximo Jackpot
4 x match 4	1.150.000,-
31 x Afl. 500,00	
380 x Afl. 50,00	
455 x Afl. 15,00	

	Afl. 1.850.000,-
---	------------------

	
Sorteo #	



FORTALEZA PA FAMILIA.

Scirbi pa Pastor Marcel Balootje.

SINCERIDAD DI CURASON TA IMPORTANTE DILANTI DI DIOS

Dios ta stima hende sincero, sinceridad ta importante pa Dios, hende cu no ta papia so , pero hende cu ta biba locual nan ta papia.

Pasobra den sinceridad di curason di hende, bo ta hanja sa e berdad completo. Y hende sincero ta cana den e berdad di Dios mescos cu Rey Ezequias a cana, mescos cu Daniel a cana, asina nos tin di cana, y Dios lo haci cosnan grandi den nos bida.

Ta para scirbi den Salmo 91:14-16 bisando: pasobra e a stima Mi, pesey lo Mi libre,lo Mi protehe, pasobra e conoce Mi nomber. E lo sclama na Mi,y Ami lo conteste, Lo Mi ta cune den angustia,lo Mi rescate y honre, Cu bida largo lo Mi satisface,y lage mira Mi salbacion.

E sinceridad cual nos tin cu trata Dios cune ta mucho mas halto cu sinceridad humano, pasobra Dios conoce cada intento di nos pensamiento, e conoce cada buelta den nos curason, prome cu nos papia Dios sa kico nos ta bay papia, y ningun hende no por ganja Dios.

Pesey ora Dios mira cu nos curason ta sincero, porta grandi ta habri den nos bida , pa motibo di nos sinceridad.

Confia den Senjor cu henter bo curason,y no depende riba

bo mes comprendemento, den tur bo camindanan reconoc'E y E lo dirigi bo berehenan.

Sinceridad ta wordo demostra ora nos ta depende riba Dios, ora nos ta kere y confia y sa cu tur locual cu nos tin mester ta bini di Dios, pasobra ningun hende por ta independiente di Dios, Su palabra ta bisa nos, pega den Mi , boso por tur cos leu for di Mi boso no por nada. Pesey e palabra ta recorda nos cu tur cos nos por den Cristo cu ta duna nos fortaleza.

Ata Bo ta desea berdad den e parti mas intimo,y den e parti scondi,lo Bo haci mi conoce sabiduria.

Tur hende cu ta sincero cu Dios, lo crece y madura, pasobra sinceridad ta vitamina pa crecimiento. Un matrimonio sincero ta crece y lo duna bon testimonio na nan yuinan. Un trahado sincero semper por aspira na un puesto nobo cu un bon aumento di salario, pasobra Dios ta bendiciona hende sincero.

Sinceridad ta bal mas cu placa, pasobra sinceridad cu integridad a nace hunto ta dificil pa bo ta un hende integro y bo no ta sincero, no ganja bo mes.

Laga nos hala serca cu

un curason sincero, yen di siguransa di fe,cu nos curasonnan purifica di un mal consenshi, y nos curpanan laba cu awa puro. Laga nos tene firme na e confiansa di nos speransa sin vasila.Pasobra Esun cu a priminti ta fiel.(Hebreonan 10:22-23).

Sinceridad ta base di tur cos caminda no tin sinceridad, no tin nada, pasobra no tin amor , ni tampoco balor di locual hende mester tin.

Den bida tin hende ta topa cu un bon muher of un bon homber pero pa falta di sinceridad tur cos ta cay na awa, pasobra e pilar di amor no ta bon tipo , ni bon curpa, pero e pilar di amor, matrimonio y bon relacion ta sinceridad.

Sinceridad ta pone hende stima nan yamada, cu Dios tin riba nan bida, sinceridad ta uni tur locual ta di Dios, Sinceridad ta pone hende para keto y fiha nan bista riba Dios, constantemente.

Hende sincero no ta wak nan propio interes, pero loke ta di Dios, y locual ta duna gloria na Dios, ta bini na prome lugar, y nan ta para firme pa esey.

Dios ta stima hende cu ta sincero.

Sinceramente, Pastor Marcel Balootje.

BAKI DEN BARIO PRONTO CU FECHA NOBO



Organisacion di e actividad Baki den Bario ta informa cu e siguiente edicion no lo tuma luga segun programa anteriormente.

Actualmente, ta trahando riba algun ahustacion den e planificacion di e actividad, cu meta pa sigui fortalece e concepto y e experiencia pa comunidad. E iniciativa Baki den Bario ta surgi bou liderazgo di Premier Mike Eman, como parti di un esfuerzo continuo pa promove conciencia y responsabilidad comparti den mantene nos isla limpi y cuida nos entorno.

Den e contexto aki, ta evalua con e actividad por sigui desaroya y aporta na un impacto mas duradero den diferente bario, semper cu enfoke riba participacion di comunidad y sostenibilidad.

Mas informacion riba e siguiente fecha lo wordo comunica tan pronto cu esaki ta confirma. Organisacion ta gradici comprension y pasenshi di comunidad, y ta reafirma su compromiso pa sigui desaroya iniciativa cu ta contribui na bienestar, limpieza y bon comun di nos isla.



“Señor ta mi wardador,
mi’n tin falta di nada.
Den cunucu di yerba berde e ta ponemi sosega.
E ta hibami na awa trankil, pa mi bolbe haya forsa”.
- Salmo: 23
Cu inmenso tristesa den nos curason, pero conforme cu boluntad di Dios, y agradecido pa su bida y amor, nos ta anuncia fayecimento di nos kerida mama, wela, bisawela y tanta:

Na number di su:

Mayornan:

- † Simon van der Veen Quant Arends y
- † Sarah Emilia Arends Sequera

Tanta y manera mama: † Delfina Isabel Sequera
Esposo: † Mario Federico Arends
Yiunan: Simon van der Veen Quant & Dalila Arends, Ramon & Vivianne Arends
Maria Veneranda “Chicha” Arends
Maria Delfina “Fina” Arends
Mario Federico & Sharissa Arends

Nieto(a)nan: Simon v/d Veen Quant Arends
Ramon Andres Arends & Michelle Henriquez
Maria Elizabeth & Keyin Leung
Daniel Jose Arends & Arianny L. Medina
John Frederick Lopez
Ariana Gabriella Arends
Alyssa Carolina Arends
Bisanieto(a)nan: Ramon Mikael, Violet Victoria y Liam Gabriel

Rumannan: † Gardenia “Bebe” & † Eric de Cuba
† Eric & Nancy Arends

Swa y cuñanan: † Max & Adwina Arends
† Clarita & † Jenny Arends
† Hubert “Ipi” & Arlene Arends
† Maria Leoncita “Oncha” Arends
† Silo Franken

Sobrino(a)nan: Jeanette y Sarita
Nancy y Gardenia
Max, John y Eddie
Johan, Milton, Raymond, Anthony, Mariebelle y Gregory
Ana Maria y Mylene
Herby, Landa, Debbie, Lienchie y Betchie
Carlos y Angela Maria
Ayudantenan: Mercy, German, Sherry y Naomi
Primo-, prima-, consuegra-, iha-, comer-, comper-, y demas famianan.

Nos disculpa si den nos momento di tristesa nos por a lubida un ser kerí.
Acto di despedida lo tuma luga diahuebs 23 di april 2026 na Aurora Funeral Home di 9:00 am pa 11:00 am. Acto di cremacion lo tuma luga despues den seno familiar. Nos ta lamenta cu despues di acto di despedida nos no ta ricibi bishita di condolencia na cas.



**Anna Cathalina
Arends - Arends**
Miho conoci como “Cata”
23 februari 1937 – 17 april 2026